

समे – 12:25

<><><><><><>

Voting Turnout

लोकसभा चुनावों में गेड़ का मतदान कल हुआ तो 6 राज्यों में 2 केन्द्र शासित प्रदेशों में 58 संसदीय हल्कों में मतदान हुआ, जेहड़ा रमानदारी कन्नौ संपन्न होई गया। कल उत्तर प्रदेश में 14 सीटें, हरियाणा में 10, बिहार में पच्छिम बंगाल में 8-8, दिल्ली में सब्बने 7, ओडिशा में 6, झारखंड में 4 तो जम्मू कश्मीर में एक सीट लेई वोट पाए गए। इस गेड़ में कुल 889 मेदवार खड़ोते में हे। प्रमुख मेदवारों में वरिष्ठ बीजेपी नेता धर्मेन्द्र प्रधान, मनोहर लाल खट्टर तो मनोज तिवारी तो कांग्रेस में दीपेन्द्र सिंह हुड्डा, कुमारी शैलजा, राज बब्बर तो कनैहया कुमार शामिल न। इसमें गेड़ में समाजवादी पार्टी नेता धर्मेन्द्र यादव तो पीडीपी प्रधान महबूबा मुफ्ती होर भी मैदान में हे।

<><><><><><>

J&K Election

लोकतांत्रिक जोश में एक ऐतिहासिक प्रदर्शन में 18वीं लोकसभा ताई देस भरै में कल होए में 6में गेड़ में चुनावों में हिस्से में अनंतनाग-राजौरी पार्लिमेंटरी सीट में वोटों में भी बड़ी बद्ध गिनतरी में अमन-रमानदारी आले माहौल में मतदान कीता। इत्थें तकरीबन 53 फीसद मतदान दर्ज कीता गया। मुख्य चुनावों अधिकारी पी.के.पोले होरें जानकारी सांझा करदे होई आखेआ जे जम्मू कश्मीर में 5 संसदीय सीटों पर अभूतपूर्व 58.1-1 फीसद मतदान दर्ज कीता गया ऐ जेहड़ा पिछले 35एं बरें में सब्बने शा मता ऐ।

<><><><><><>

Migrants Turnout

जम्मू कश्मीर दी अनंतनाग–राजौरी लोकसभा सीट पर बी मतदान होआ। कल होए दे मतदान च 47 फीसद कश्मीरी विस्थापतें बी वोट पाने दे अपने अधिकार दा इस्तेमाल कीता। एह फीसद पिछले त्रै गोड़े च इत्थें होए दे मतदान च सब्बने थमां मती ऐ। श्रीनगर पार्लिमानी सीट लेई 38 फीसद ते बारामुला–कुपवाड़ा लोकसभा सीट लेई 32 फीसद मतदान दर्ज कीता गेआ हा।



LG-Message

उपराज्यपाल मनोज सिन्हा होरें अनंतनाग–राजौरी संसदीय सीट पर एतिहासक मतदान ताईं लोकें ते चुनां अधिकारिएं कन्ने जुड़े ते सरबंधी धड़ें गी बधाई दित्ती ऐ। उनें चुनां दरान केन्द्र शासत प्रदेश दिएं सब्बने 5 लोकसभा सीटें पर सुरक्षा बवस्था लेई जम्मू कश्मीर पुलस ते सुरक्षा बलें दी सराहना कीती।



Campaigning

लोकसभा दे 7में ते खीरले गेड़ लेई चुनां प्रचार नै तेजी फगड़ी लैती ऐ। बक्ख–बक्ख राजनैतिक पार्टिएं दे प्रमुख नेता ओकड़े हिस्सें च प्रचार करै करदे न जित्थें इस गेड़ च वोट पाए जने न। बीजेपी दे वरिष्ठ नेता ते प्रधानमंत्री नरेन्द्र मोदी होर अज्ज उत्तर प्रदेश दे मिर्जापुर, धोसी ते बासगांव च जनसभाएं गी संबोधत करगंन। उत्तर प्रदेश दे मुख्मंत्री योगी आदित्यनाथ बी मिर्जापुर, चढोली ते गोरखपुर च चुनां प्रचार करगंन। तोआई बीजेपी दे वरिष्ठ नेता ते गृहमंत्री अमित शाह होर अज्ज बिहार दे कासकाट ते सासाराम संसदी हल्के च चुनावी रैलिएं गी संबोधत करगंन। जेडीयू दे अध्यक्ष ते बिहार दे मुख्मंत्री नितिश कुमार,

लोक जन शक्ति पार्टी दे प्रमुख चिराग पासवान, राष्ट्री जनता दल, कांग्रेस ते वाम दलें दे महागठबंधन दे नेता बी अज्ज बिहार च चुनां प्रचार करगंन।

<><><><><><>

JPDCL

जम्मू बिजली विकास कारपोरेशन लिमिटेड दे एमडी विकास कुंडल होरें आखेआ जे महतवै आले फ़ैसले तैहत जेपीडीसीएल नै बाद्धू 200 मैगावाट बिजली खरीदने दी प्रक्रिया पूरी करी लैती ऐ। एहदे कन्नै जम्मू दे लोकें गी गर्मी थमां किश राहत थ्होग। उनें गलाया जे जम्मू खित्ते गी मजूदा समें च 12 सौ मैगावाट बिजली थ्होंदी ऐ पर एलजी प्रशासन दे जतनें करी हुन 14 सौ मैगावाट बिजली हासल होग। उनें साफ तौर पर आखेआ जे जम्मू शैहरा दे उनें इलाकें जित्थें स्मार्ट मीटर लग्गे दे न, उत्थें बिजली दी कटौती नेई होग ते बाद्धू बिजली थ्होने कन्नै हुन ग्रामीण इलाकें च बी कटौती घट्ट होग। विकास कुंडल होरें जम्मू दे लोकें गी अपील कीती जे ओह किफायत कन्नै बिजली दा इस्तेमाल करन ते बिजली दी चोरी नेई करन तां जे सारे उपभोक्ताएं गी बिजली दी सुविधा थ्होई सकै। उनें आखेआ जेपीडीसीएल बिजली चोरी करने आले खलाफ सख्त कारवाई करोग।

<><><><><><>

DDC Reasi

रियासी दे जिला विकास आयुक्त विशेष महाजन होरें रियासी दे जिला उद्योगी केन्द्र दे कम्मकाज दा जायजा लैता। उनें जिले दे अनु-छुते जां फ़ही ओ सेक्टर जित्थें मता कम्म नेई होआ ऐ उंदा पता लान ते उस भेठा कम्म करन, लेई गलाया। जिला विकास आयुक्त होरें प्रधानमंत्री रोजगार सृजन प्रोग्राम ते होर दुई स्वयं रोजगार स्कीमें तैहत बद्धोबद्ध लाह पजाने पर जोर पाया। उनें नमीं केन्द्र सेक्टर स्कीम तैहत बद्धोबद्ध पंजीकरण करने पर बी जोर दित्ता।

<><><><><><>

Simran Sharma

भारत दी सिमरन शर्मा नै जपान दे कोबेच विश्व पैरा एथलैटिक्स प्रतियोगिता च सुन्ने दा तगमा जित्तेआ ऐ। सिमरन नै कल महिलाएं दी 200 मीटर T-12 मकाबले च 24 अशारिया 9-5 सकिंटें दे अपने सर्वश्रेष्ठ समें दे कन्नै सुन्ने दा तगमा जित्तेआ। भारत नै विश्व पैरा एथलैटिक्स प्रतियोगिता च सुन्ने दे 6 तगमें सनें कुल 17 तगमें जित्ती लैते दे न ते ऐल्ले भारत अंक तालिका च 6में नंबरै पर ऐ।

<><><><><><>

IPL

आईपीएल क्रिकेट दा खताबी मैच अज्ज सनराईजर्स हैदराबाद ते कोलकाता नाईट राईडर्स बशकार चेन्नई दे एम.ए.चिंदबरम स्टेडियम च खेड्डेआ जाग। कोलकाता नाईट राईडर्स 9 जित्ते 3 होरें ते दऊं बिजन नतीजे दे मैचें कन्नै अंक तालिका पर 20 अंके कन्नै सब्बने शा उप्पर ऐ। उनें क्वालीफायर इक च सनराईजर्स हैदराबाद गी हराइयै सिद्धे फाइनल च अपनी थाहर बनाई ही। तोआई सनराईजर्स हैदराबाद नै दुए क्वालीफायर मैच च राजस्थान रॉयल्स गी 36 रंजें कन्ने हराया। कोलकाता नाईट राईडर्स ते सनराईजर्स हैदराबाद दौनें टीमें इस सीजन च 6 बारी 200 शा ब0 स्कोर बनाया ऐ। सनराईजर्स हैदराबाद ने 3 बारी 200 रंजें गी पार कीता ते कन्नै गै रॉयल्स चैलेजर्स बैंगलुरु खलाफ 287 रंजें दा सब्बने शा ब0 स्कोर बी बनाया ऐ। कोलकाता नाईट राईडर्स नै दऊं बारी 250 रंजे दे आंकड़े गी पार कीते दा ऐ।

<><><><><><>